



REPUBLIKA E SHQIPËRISË
MINISTRIA E BRENDSHME
QENDRA E PRITJES PËR AZIL

**RAPORTI VJETOR
QENDRA E PRITJES PËR AZIL**

VITI 2022



TABELA E PËRMBAJTJES

HYRJE

STATUSI JURIDIK I QPA-SË DHE STRUKTURA - 1 -

• **Struktura e QPA-së dhe organigrama** - 1 -

• **Organigrama e Qendrës së Pritjes për Azil** - 1 -

REALIZIMET SIPAS PRIORITETEVE TË MINISTRISË SË BRENDSHME - 2 -

SEKTORI I MBËSHTETJES SË AZILKËRKUESVE - 3 -

• **Bashkëpunimi me struktura të Policisë së Shtetit dhe Bashkisë Kamëz** - 5 -

• **Njohja e azilkërkuesve me të drejtat dhe detyrimet e tyre si dhe procedurat e azilit** - 6 -

• **Masat e marra për parandalimin e infeksionit të shkaktuar nga COVID-19** - 6 -

• **Masat e marra për veprimet në rastet e fatkeqësive natyrore** - 6 -

• **Aktivitete të realizuara** - 7 -

SEKTORI I FINANCËS DHE SHËRBIMEVE MBËSHTETËSE - 7 -

• **Realizimi i zërave të buxhetit për vitin 2022** - 8 -

• **Shpeznime nga buxheti i shtetit për periudhën 01.01.2022 – 31.12.2022 janë sipas pasqyrës së mëposhtme** - 8 -

BURIMET NJERËZORE - 9 -

• **Trajnimet** - 10 -

• **REALIZIMI I ZËRAVE TË PROCEDURAVE TË PROKURIMIT PËR VITIN 2022** - 10 -

PROBLEMATIKAT E HASURA NË PUNËN E QPA-SË, GJATË VITIT 2022 - 11 -

ARRITJE - 12 -

PRIORITETET DHE MASAT ME RËNDËSI NË AKTIVITETIN E QPA-SË PËR VITIN 2023 - 12 -

HYRJE

Raporti Vjetor 2022 i Qendrës së Pritjes për Azil është një dokument gjithëpërfshirës i punës dhe aktiviteteve institucionale si dhe rezultateve të arritura, duke zbatuar kuadrin ligjor në fuqi. Raporti paraqet zhvillimet kryesore në Qendrën e Pritjes për Azil, si dhe jep rekomandime për përmirësimin e performancës së institucionit. Disa prej çështjeve kryesore të trajtuara në raport janë: statusi ligjor dhe struktura e institucionit, realizimi i buxhetit për vitin 2022 dhe aktivitetet institucionale. Kjo përmbledhje, shfaq jo vetëm objektivat dhe rezultatet e arritura, por gjithashtu nxjerr në pah problematikat që janë evidentuar gjatë vitit raportues.

Qendra ka për mision respektimin e legjislacionit të brendshëm dhe atë ndërkombëtar të ratifikuar nga Republika e Shqipërisë, në funksion të mbrojtjes së të drejtave dhe lirive themelore të njeriut, me fokus ato të azilkërkuesve dhe refugjatëve si dhe përmirësimin e vazhdueshëm të standardeve të shërbimeve të ofruara për azilkërkuesit dhe refugjatët e akomoduar.

Gjashtë mujori i parë i vitit 2022 ka qenë tejet i rëndësishëm dhe sfidues për Qendrën pasi shënoi një numër të moderuar azilkërkuesish të akomoduar, me shtetësi të ndryshme, kryesisht nga Afganistani, Iraku dhe Ukraina. Prioriteti i punës sonë ka qenë dhe mbetet mbarëvajtja dhe organizimi i pritjes së tyre, akomodimi dhe ofrimi i shërbimeve të domosdoshme, si dhe informimi i tyre me masat për mbrojtjen nga përhapja e infeksionit të shkaktuar nga COVID-19. Azilkërkuesit u informuan nëpërmjet komunikimit edhe posterave të afishuara në ambientet e Qendrës (në gjuhën angleze, farsi, arabe) dhe u pajisën me bazë materiale si maska mbrojtëse, doreza dhe dezinfektues me bazë alkooli, me qëllim parandalimin e përhapjes së infeksionit.

Ndër objektivat e Qendrës ka qenë edhe administrimi me efektivitet i fondeve buxhetore dhe burimeve financiare duke ndjekur zbatimin e planifikimit të fondeve buxhetore miratuar për vitin 2022 dhe forcimi i bashkëpunimit ndër-institucional dhe ndërveprimi me të gjitha strukturat që operojnë në fushën e migracionit dhe azilit.

QPA, jo vetëm gjatë vitit raportues, por edhe në vazhdim, angazhohet në zgjidhjen e sfidave të ardhshme, duke u udhëhequr nga përgjegjshmëria, integriteti dhe transparenca për të punuar me përkushtim e seriozitet drejt cilësisë së shërbimeve e përmbushjes së standardeve më të larta sa i takon shërbimeve të ofruara për azilkërkuesit/refugjatët.

STATUSI JURIDIK I QPA-SË DHE STRUKTURA

Qendra e Pritjes për Azil është institucion ku akomodohen dhe trajtohen persona të huaj me apo pa shtetësi që kërkojnë mbrojtje ndërkombëtare në Shqipëri në respektim të legjislacionit të brendshëm dhe ndërkombëtar të ratifikuar nga Republika e Shqipërisë, në funksion të mbrojtjes së të drejtave dhe lirive themelore të njeriut, me fokus ato të azilkërkuesve dhe refugjatëve.

Funksionon në varësi të Ministrisë së Brendshme nga viti 2004, me VKM Nr. 262, datë 23.04.2004 “Për kalimin në përgjegjësi administrimi të Qendrës Kombëtare Pritëse për Azilkërkuesit, në Babrru, Tiranë, Ministrisë së Rendit Publik, si dhe për organizimin e funksionimit të saj dhe për shtesë në numrin e parashikuar të punonjësve të kësaj ministrie”.


Aktualisht Qendra e Pritjes për Azil funksionon sipas strukturës së miratuar më Urdhër të Kryeministrit Nr. 79, datë 21.02.2014 dhe VKM-së Nr. 630, datë 27.10.2021 “Për organizimin dhe funksionimin e Qendrës së Pritjes për Azil”.

- **Struktura e QPA-së dhe organigrama**

Qendra e Pritjes për Azil është e organizuar në dy sektorë me përbërje prej 15 punonjës:

- 1- Titullari i Institucionit.
- 2- Sektori i Financës dhe Shërbimeve Mbështetëse me 11 punonjës.
- 3- Sektori i Mbështetjes së Azilkërkuesve me 3 punonjës.

- **Organigrama e Qendrës së Pritjes për Azil**



REALIZIMET SIPAS PRIORITETEVE TË MINISTRISË SË BRENDSHME

Gjatë vitit 2022, Qendra e Pritjes për Azil ka punuar me impenjimin dhe profesionalizmin e duhur për realizimin e detyrave dhe objektivave sipas përgjegjësive që përcaktohen në aktet ligjore dhe ato normative që rregullojnë funksionimin e institucionit.

Në kuadër të objektivave dhe detyrave të përcaktuara në dokumentin e prioriteteve të Ministrisë së Brendshme për vitin 2022, paraqitet në mënyrë të përmbledhur veprimtaria për këtë periudhë:

1. Është bërë analiza dhe programimi për rialokimin e fondeve sipas nevojave emergjente të institucionit dhe ndryshimet në zërat në Regjistrin e Planifikimit të procedurave të prokurimit për vitin 2022.
2. Është hartuar Projekt-buxheti Afatmesëm për vitet 2023-2025, ku janë bashkëngjitur kërkesat shtesë:
 - Ndryshimin e strukturës së QPA-së nga 15 punonjës në 21 punonjës.
 - Mur rrethues dhe punime sistemimi të sheshit për objektin “Qendra Kombëtare Pritëse për Azilkërkesit”.
3. Janë hartuar e miratuar programe pune, raporte mujore dhe raporte të tjera periodike, të cilat pasqyrojnë objektivat kryesore, punën e kryer në përmbushje të tyre, burimet dhe kapacitetet e angazhuara dhe tregues të tjerë për institucionin.
4. Është plotësuar e përditësuar dosja personale për çdo punonjës, me gjithë dokumentacionin e nevojshëm ligjor e administrativ. Përditësohen periodikisht Regjistri i Punëmarrësit dhe ndiqet dinamika e pasurimit të dosjeve me vlerësime periodike, praktika disiplinore, vjetërsi në punë e procedura të tjera që shoqërojnë punonjësin gjatë veprimtarisë së punës.
5. Është ndërtuar një procedurë e rregullt administrative e ligjore, sa i përket emërimeve të punonjësve të rinj, praktikave disiplinore dhe atyre të lirimit nga detyra. Për çdo rast, plotësohet sipas standardeve dokumentacioni i duhur dhe ndiqen etapat përkatëse në përputhje me legjislacionin në fuqi.
6. Janë marrë masat e duhura për të rritur sigurinë dhe mbrojtjen në punë sipas standardeve ligjore. Pajisjet fikëse të zjarrit janë të mbushura dhe brenda afatit të skadencës, janë të kolauduara dhe janë në gatishmëri për çdo emergjencë të mundshme.
7. Organizimi dhe mirëmenaxhimi i situatës së pandemisë, me qëllim parandalimin e përhapjes së infeksionit të shkaktuar nga COVID-19, QPA ka marrë masa si për punonjësit edhe për të akomoduarit në Qendër, duke iu mundësuar maska mbrojtëse, doreza dhe dezinfektues me bazë alkooli. Gjithashtu janë realizuar dezinfektime të mjediseve të brendshme dhe të jashtme të QPA-së. Azilkërkesit u informuan në lidhje me masat me qëllim parandalimin e përhapjes së infeksionit, realizuar nëpërmjet komunikimit dhe posterave të afishuara në ambientet e Qendrës (në gjuhën angleze, farsi, arabe, dari dhe pashtu), në zbatim të Aktit Normativ nr. 3, datë 15.03.2020, të Këshillit të Ministrave, “Për marrjen e masave të veçanta administrative gjatë kohëzgjatjes së periudhës së infeksionit të shkaktuar nga Covid-19”, të ndryshuar.

SEKTORI I MBËSHTETJES SË AZILKËRKUESVE

Gjatë periudhës Janar-Dhjetor 2022, Qendra e Pritjes për Azil ka pritur dhe akomoduar në total 84 azilkërkues sipas statistikave të mëposhtme:

- o 54 të rritur ku nga këto 26 janë femra e 28 meshkuj dhe 30 të mitur përkatësisht 13 vajza dhe 17 djem.


Muaji	0 -18vjeç		Mbi 18 vjeç (të rritur)		Totali
	Femra	Meshkuj	Femra	Meshkuj	
Janar-Dhjetor 2022	13	17	26	28	84
Janar-Dhjetor 2021	17	14	19	28	78
Janar-Dhjetor 2020	173	334	319	1363	2189

- o janë minorenë të shoqëruar dhe 0 janë minorenë të pashoqëruar.


Muaji	Minoren	
	Të shoqëruar	Të pashoqëruar
Janar-Dhjetor 2022	30	0
Janar-Dhjetor 2021	31	0
Janar-Dhjetor 2020	472	35

Për sa i përket numrit të minorenëve të pashoqëruar, të akomoduar raportohen 0 minorenë të pashoqëruar të akomoduar në Qendër gjatë vitit 2022.


Sipas një krahasimi të bërë, vihet re se gjatë tre viteve të fundit numri i azilkërkuesve të akomoduar është i moderuar. Konkretisht numri i azilkërkuesve të akomoduar në periudhën në periudhën Janar-Dhjetor 2020 është 2189 persona. Numri i azilkërkuesve të akomoduar në periudhën Janar-Dhjetor 2021 është shumë më i ulët në krahasim me periudhën Janar-Dhjetor të vitit 2022, ku konkretisht në periudhën Janar-Dhjetor 2021 janë akomoduar 78 persona dhe në periudhën Janar-Dhjetor 2022 janë akomoduar 84 persona.



Grafiku tregon se gjatë periudhës, Janar-Dhjetor 2022 në muajin Tetor numri i azilkërkuesve të akomoduar është më i lartë në krahasim me muajt e tjerë.



Grafiku tregon se gjatë periudhës, Janar-Dhjetor 2022 familjet e akomoduara kanë në total 20 familje ku 2% prej tyre me origjinë nga Siria, 36% e tyre me origjinë nga Afganistani 5% e tyre me origjinë nga Pakistani, 5% e tyre me origjinë nga Tunizia, 9% me origjinë nga Ukraina dhe 43% me origjinë nga Iraku.



NR.	SHTETËSIA	PERSONA	MESHKUJ	FEMRA
1	Egjipt	6	3	3
2	Afganistan	8	5	3
TOTALI		14	8	6

Katërbëdhjetë prej azilkërkuesve të akomoduar, me kërkesën e tyre janë zhvendosur jashtë Qendrës me mbështetjen e UNHCR-së dhe RMSA-së për ndjekjen e procedurave përkatëse për azil. Tabela e mëposhtme paraqet një pamje më të qartë.

- **Bashkëpunimi me struktura të Policisë së Shtetit dhe Bashkisë Kamëz.**

- Bashkëpunimi me strukturat e Policisë ka qënë i vazhdueshëm dhe shumë efikas, i cili ka qënë i domosdoshëm për koordinimin e informacionit midis strukturave përkatëse.
- Bashkëpunimi me Drejtorinë e Azilit dhe Shtetësisë në Ministri, për problemet e statusit të azilkërkuesve.
- Ndër organizatat me të cilat bashkëpunon Qendra janë; UNHCR, RMSA, ILO, Caritas Albania, GIZ, Qendra Ura etj. UNHCR dhe RMSA kanë mundësuar shërbimin mjekësor me një infermiere. Konkretisht gjatë kësaj periudhe këtë shërbim e kanë përfituar shumë azilkërkues. Infermierja ka ofruar shërbimin e parë dhe ka asistuar në shoqërimin e tyre në qendra të ndryshme shëndetësore dhe spitalore. Gjatë periudhës Janar-Dhjetor 2022 janë ofruar 1463 shërbime shëndetësore.
- Për të krijuar një mjedis sa më argëtues dhe relaksues për fëmijët në Qendër ndodhet një dhomë posaçërisht për ta, e quajtur “Dhoma e fëmijëve”. Punojësit e Sektorit të Mbështetjes së Azilkërkuesve bëjnë të mundur shoqërimin e fëmijëve duke krijuar lojëra argëtuese dhe zhvilluese për ta. Përpos dhomës së fëmijëve Qendra ofron gjithashtu edhe sallën e internetit dhe bibliotekën, ku azilkërkuesit mund të aksesojnë në internet dhe të komunikojnë me familjarët e tyre. Psikologjia e Qendrës ka bërë vlerësime psikologjike me azilkërkuesit.

- **Njohja e azilkërkuesve me të drejtat dhe detyrimet e tyre si dhe procedurat e azilit**

Në momentin e akomodimit azilkërkuesit njihen me rregullat e brendshme të kësaj Qendre si dhe të drejtat dhe detyrimet që ata kanë. Më pas u lind e drejta për të marrë informacion mbi vazhdimësinë e procedurave për azil, njëkohësisht u shpërndahet një fletëpalosje në gjuhën angleze, farsi dhe arabe.

- **Masat e marra për parandalimin e infeksionit të shkaktuar nga COVID-19**

Qendra e Pritjes për Azil është një Qendër e hapur ku personat janë të lirë të lëvizin gjatë orarit 09:00-22:00. Gjatë periudhës së pandemisë COVID-19, me qëllim parandalimin e përhapjes së infeksionit, QPA ka marrë disa masa si për punonjësit edhe për azilkërkuesit e akomoduar në Qendër, duke mundësuar maska mbrojtëse, doreza dhe dezinfektues me bazë alkooli. Azilkërkuesve u janë treguar masat që duhet të marrin me qëllim parandalimin e përhapjes së sëmundjes. Kjo u

është shpjeguar si nëpërmjet komunikimit, e cila është bërë në gjuhën angleze, ashtu edhe nëpërmjet posterave të ngjitur në Qendër (këto në gjuhën angleze, arabe, farsi). Gjithashtu është realizuar dezinfektimi i mjedisve të QPA-së, dhomave akomoduese, mjediset e përbashkëta dhe zyrat e administratës.

- **Masat e marra për veprimet në rastet e fatkeqësive natyrore**

Qendra e Pritjes për Azil në bashkëpunim me UNHCR dhe RMSA ka zhvilluar trajnime lidhur me njohjen e situatave të fatkeqësive natyrore, si duhet të veprojmë në rastet kur ndodhin dhe cilat janë autoritetet përkatëse që mund të drejtohen për të kërkuar ndihmë, ku janë bërë pjesë të trajnimit stafi i Qendrës së bashku me azilkërkuesit e akomoduar në Qendër. Gjithashtu në ambientet e jashtme të Qendrës janë vendosur postera ilustrues sesi duhet të veprojmë në rastet e fatkeqësive natyrore për të informuar shtetasit e akomoduar rreth rreziqeve të mundshme dhe mënyrat e duhura për të reaguar në këto situata.

- **Aktivitete të realizuara**

Gjatë vitit 2022 organizata të ndryshme kanë bashkëpunuar me Qendrën në ditë festash por jo vetëm për t'iu sjellë azilkërkuesve dhe refugjatëve një ditë ndryshe.

- Në kuadër të festës së “1 qershori” u organizuan aktivitete argëtuese me fëmijët e akomoduar në Qendër.
- Në kuadër të Ditës Ndërkombëtare të Refugjatëve më datë 20.06.2022 në bashkëpunim me RMSA dhe Caritas Dioqezan Tiranë-Durrë u organizuan aktivitete social-kulturore, kulinarie me ushqime tradicionale të vendeve të ndryshme të botës dhe argëtuese me azilkërkuesit e akomoduar në Qendër.
- Gjatë muajit Korrik, u organizua Kampi veror me fëmijët e Qendrës në bashkëpunim me Caritas Dioqezan Tiranë-Durrës ku u zhvilluan aktivitete të ndryshme sociale, zhvilluese, integruese, kulturore dhe argëtuese për fëmijët azilkërkues.
- Gjatë muajit Tetor më datë 07.10.2022 në bashkëpunim me Qendrën Tek Ura u zhvillua “Dita Kulturore” me azilkërkuesit e akomoduar në Qendër dhe banorët e komunitetit në kuadër të integritit të tyre, socializimit dhe shkëmbimit të traditave e elementëve kulturore ndërmjet vendeve.
- Gjatë muajit Nëntor, në kuadër të “Festave Kombëtare të Pavarësisë dhe Flamurit” në bashkëpunim me Caritas Dioqezan Tiranë-Durrës u organizuan aktivitete social-kulturore me azilkërkuesit e akomoduar në Qendër.

- Gjatë muajit Dhjetor, në kuadër të “Festave të Fundit të Vitit”, më datë 16.12.2022 Qendra Tek Ura zhvilloi aktivitete të ndryshme sociale, kulturore, teatrale dhe argëtuese me azilkërkuesit e Qendrës, më datë 23.12.2022, Caritas Dioqezan Tiranë-Durrës zhvilloi një drekë pranë ambienteve të Qendrës ku u krijua një ambient ndërveprues ndërmjet stakeholder-save të përfshirë në adresimin e nevojave të azilkërkuesve dhe shtetasit e akomoduar në Qendër gjithashtu më datë 28.12.2022 RMSA me UNHCR zhvilluan aktivitete sociale dhe lojra argëtuese për fëmijët dhe shtetasit e akomoduar në Qendër.


SEKTORI I FINANCËS DHE SHËRBIMEVE MBËSHTETËSE

Hartimi, planifikimi, menaxhimi eficient dhe efektiv i buxhetit për plotësimin e nevojave të azilkërkuesve/refugjatëve merr një rëndësi të veçantë për institucionin tonë. Përsa i përket zbatimit të buxhetit, fondi i akorduar në fillim të vitit 2022, në nivel artikulli për njësinë shpenzuese QPA është në total 37.109.000 lekë, me një diferencë prej 34.000 lekë në krahasim me fillimin e vitit 2021. Kjo vlerë është e detajuar sipas zërave të shpenzimeve të strukturës buxhetore e paraqitur dhe në tabelën e realizimit të mëposhtëm.

- **Realizimi i zërave të buxhetit për vitin 2022**

Shpeznime nga buxheti i shtetit për periudhën 01.01.2022 – 31.12.2022 janë sipas pasqyrës së mëposhtme:

Nr.	Art	Emërtimi	Plani vjetor 2022	Plani me ndryshime	Realizimi vjetor 2022	Diferenca	Realizimi ne %
1	600	Paga,shpërblime dhe te tjera shpenzime personeli	10.226	-700	9.456	70	99
2	601	Kontribute për sigurime shoqerore e shëndetësore	1.708	0	1.579	129	92
3	602	Mallra e shërbime	19.555		17.819	1.736	91
4	606	Transferta për buxhete familjare individ	5.620	+ 50	5.202	468	92
5	231	Investime		+60	60	0	100
		TOTALI	37.109		34.116	2.403	94



Bazuar në VKM Nr. 581, datë 10.08.2011 “Për dhënie ndihme financiare një kategorie personash të strehuar në Republikën e Shqipërisë” dhe të Udhëzimit Nr. 33, datë 24.02.2012 “Për dhënien ndihmë financiare një kategorie personash të strehuar në Republikën e Shqipërisë”, në buxhetin e QPA-së është parashikuar në shumën prej 5.620.000 lekë për të mbuluar dhënien e ndihmës financiare për gjashtë familje për pagesën e qerasë së banesës, të ushqimit, energjisë elektrike dhe të ujit është realizuar në masën 92%.

Gjatë periudhës Janar - Dhjetor 2022 janë bërë ndryshime (shitesa) fondesh në krahasim me akordimin fillestar të buxhetit. Këto ndryshime janë bërë në artikullin 606 “Fond i veçantë në shumën 50.000 lekë, dhe artikulli 231 në shumën 60.000 lekë, detyrim i prapambetur i vitit 2021 dhe pakësim fondi në artikullin 600 në shumën 700.000 lekë.

Shtesat e fondeve janë bërë me kërkesë të QPA-së dhe të miratuara nga Ministria e Brendshme. Është bërë rakordimi i fondeve dhe me ndryshimet që kanë pësuar zërat gjatë periudhës Janar - Dhjetor 2022 me degën e thesarit, duke pasqyruar transaksionet e kryera deri në nivel nënartikulli sipas strukturës dhe klasifikimit buxhetor.

Ndjekja, realizimi dhe raportimi i buxhetit është bërë nëpërmjet evidencave progresive të realizimit të buxhetit, janë përgatitur pasqyra 3-mujore, 6-mujore, 9-mujore dhe vjetore e raportimit të

buxhetit sipas zërave dhe nënzërave e cila është rakorduar dhe vulosur nga dega e thesarit dhe është derguar në Ministri. Gjithashtu për realizimin e buxhetit çdo muaj raportohet në Ministri.

QPA-ja ka ndjekur në vazhdimsi respektimin e strukturës së miratuar me VKM- nr. 332, datë 04.05.2016 “Për organizimin dhe funksionimin e Qendrës Kombëtare Pritëse për Azilkërkues”, përsa i përket numrit të punonjësve në QPA. Kërkohej ndryshimi i strukturës pasi struktura aktuale nuk i plotëson të gjitha kërkesat për një shërbim sa më efikas të azilkërkuesve, ku parashikohet të ndryshoje dhe me 4 punonjës shtesë për të cilën nevojitet fond page 2.832.000 lekë dhe sigurime shoqërore 472.000 lekë.

BURIMET NJERËZORE

QPA-ja ka ndjekur në vazhdimësi respektimin e strukturës së miratuar me Urdhër të Kryeministrit Nr.79, datë 21.02.2014 “Për miratimin e strukturës dhe organikës së Qendrës Pritëse të Azilkërkuesve, Babrru”, përsa i përket numrit të punonjësve. Struktura e QPA-së përbëhet nga 15 punonjës, të cilët trajtohen sipas Kodit të Punës në Republikën e Shqipërisë. Gjatë vitit 2022 janë paraqitur katër dorëheqje dhe një dalje në pension. Është proceduar për plotësimin e vendeve vakante sipas legjislacionit në fuqi.

• Trajnimet

Në kuadër të ngritjes së kapaciteteve profesionale të stafit, të aftësive menaxhuese dhe funksionale të punonjësve në funksion të procesit të standardizimit të kujdesit dhe shërbimeve të ofruara, është mundësuar pjesëmarrja e punonjësve në disa trajnime të organizuara nga organizata të ndryshme dhe ASPA.

Gjatë vitit 2022 janë realizuar katër trajnime:

- 11-13 maj 2022 Komiteti i Helsinkit realizoi trajnimin me temë “Trajnimi Kombëtar për parandalimin e kontrabandimit të migrantëve”
- 20 maj 2022 UNHCR në bashkëpunim me Kryqin e Kuq realizuan trajnimin mbi “Përgatitjen për Tërmetet”
- 25-26 Tetor 2022 EUAA zhvilloi trajnimin me tematikë “Intervista me Personat nga Grupet Vulnerabël”
- 21 - 24 Nëntor 2022 (4 ditë) nga Ministria e Financës dhe Ekonomisë “Mbi trajnimin në lidhje me standardet IPSAS”

REALIZIMI I ZËRAVE TË PROCEDURAVE TË PROKURIMIT PËR VITIN 2022

Nr.	Objekti i Prokurimit	Vlera e kontratës	Organi i financimit
1.	Blerje materiale ndriçimi dhe hidrike	99.042	Buxheti i Shtetit
2.	Materiale ndihmëse pastrimi	99.550	Buxheti i Shtetit
3.	Sherbim Interneti	55.000	Buxheti i Shtetit
4.	Veshje dhe Uniforma	744.300	Buxheti i Shtetit
5.	Siguracioni i automjeteve	79.701	Buxheti i Shtetit
6.	Aktivitet social për azilkërkuesit	98.160	Buxheti i Shtetit
7.	Materiale Didaktike	89.981	Buxheti i Shtetit
8.	Shpenzime te tjera transporti (Larje makine)	95.400	Buxheti i Shtetit
9.	Blerje fidane dhe lule	98.700	Buxheti i Shtetit
10.	Blerje Gazi	159.000	Buxheti i Shtetit
11.	Shërbim për punimin e tabelave informuese të institucionit	99.000	Buxheti i Shtetit
12.	Dezinfektim kundër Covid-19	95.602	Buxheti i Shtetit
13.	Dezifektimi	124.900	Buxheti i Shtetit
14.	Kolaudimi i çisternes	50.000	Buxheti i Shtetit
15.	trajnime dhe Seminare per stafin e QPA-së	100.000	Buxheti i Shtetit
16.	Catering për shtetasit e akomoduar në QPA me rastin e festave të fundit të vitit	98.333	Buxheti i Shtetit
17.	Shërbim e mirëmbajtje e sinjaleve të alarmit kundër zjarrit, fikse zjarri (Sistem Antizjarr)	99.800	Buxheti i Shtetit
18.	SHERBIMI POSTAR	6.670	Buxheti i Shtetit
19.	Blerje Tонера per printera	99.750	Buxheti i Shtetit
20.	Blerje Kancelarie	99.031	Buxheti i Shtetit
21.	Sherbimi i mirembajtjes se aparateve si riparim lavatrice ne ambjentet e qendres	98.500	Buxheti i Shtetit
22.	Blerje Tapetë	98.400	Buxheti i Shtetit
23.	Sherbim per pastrim dhe gjelberim	98.669	Buxheti i Shtetit
24.	Karburant dhe vaj	854.700	Buxheti i Shtetit
25.	Shërbim riparim dhe mirëmbajtje makinash	218.900	Buxheti i Shtetit
26.	Sherbim i mirembajtjes e objekteve te qendres	75.000	Buxheti i Shtetit
27.	Blerje Materiale Pastrimi	250.000	Buxheti i Shtetit
28.	Ilace mjekesore	45.703	Buxheti i Shtetit
29.	Sherbime per tatime dhe taksa te paguara nga institucioni	62.420	Buxheti i Shtetit
30.	Sherbimi i mirembajtjes se kanalizimeve te ujrave te zeza	97.950	Buxheti i Shtetit
31.	Sherbimi i mirembajtjes se aparateve pompa uji te ambjenteve te qendres	49.800	Buxheti i Shtetit
32.	Ujë	772.720	Buxheti i Shtetit
33.	Ushqime	1.894.862	Buxheti i Shtetit
34.	Energji elektrike	1.264.235	Buxheti i Shtetit

35. Shërbim i sigurisë dhe ruajtjes fizike	6.541.121	Buxheti i Shtetit
--	-----------	-------------------

PROBLEMATIKAT E HASURA NË PUNËN E QPA-SË, GJATË VITIT 2022

Mungesa e specialistëve të fushës brenda QPA-së për hartimin e standardeve, përshkrimin e specifikimeve teknike të disa objekteve të prokurimit (mallra/shërbime), ka sjellë si domosdoshmëri bashkëpunimin me Ministrinë e Brendshme ose me institucione të varësisë.

Duke qenë se ofrohet shërbim 24/7 edhe gjatë fundjavës përfshirë edhe ditët e festave zyrtare dhe referuar numrit të pamjaftueshëm të punonjësve në strukturën e QPA-së, hasim vështirësi në përfitimin e ditëve të pushimit sipas Kodit të Punës nga ana e specialistëve të sektorit të mbështetjës së azilkërkuesve.

Mungesa e mjekut dhe infermierit në strukturën e QPA-së, për t'u asistuar në qendër dhe për të dhënë ndihmën e parë azilkërkuesve/refugjatëve, duke i shoqëruar dhe transportuar në çdo kohë pranë qendrave shëndetësore dhe spitalore, përkthyer në kosto në transport, në kohë dhe në punonjës, pasi në shoqërimin e të sëmurit në urgjencë, në spital apo në qendrën shëndetësore në lagje, punonjësit i duhet të shkëputet nga problemet e shumta të cilat ndërkohë duhet t'i ndjekë në Qendër.

Mirëmbajtësi është i domosdoshëm për kryerjen e riparimeve dhe mirëmbajtjen e pajisjeve dhe materialeve të ndryshme në ambientet e akomodimit dhe ambientet e tjera ndihmëse.

ARRITJE

Në bashkëpunim me RMSA-në u arrit të sigurohet shërbimi i infiermerisë për shtetasit e akomoduar në Qendër.

Realizimi i objektivave me efektivitet në kuadër të ofrimit të shërbimeve sipas standardeve të duhura për kërkuesit për mbrojtje ndërkombëtare që akomodohen në Qendër, ka udhëhequr punën e përditshme të stafit ku është reflektuar në mungesa të problematikave të evidentuara përgjatë vitit që çënojnë integritetin, funksionimin dhe imazhin e përgjithshëm të institucionit.

PRIORITETET DHE MASAT ME RËNDËSI NË AKTIVITETIN E QPA-SË PËR VITIN 2023

1. Të mundësohet ndërtimi i murit rrethues të Qendrës së Pritjes për Azil për të rritur sigurinë dhe mirëqënien e jetës së shtetasve të cilët akomodohen në Qendër.

2. Të mundësohet ndërtimi i fushës së futbollit dhe këndit të lojrave për fëmijë në Qendrën e Pritjes për Azil për të rritur cilësinë e jetesës së shtetasve të akomoduar si dhe për të mundësuar integrimin dhe socializimin e tyre.
3. Të miratohen ndryshimet e kuotave financiare për shpenzime ditore për shtetasit e akomoduar në Qendër në mënyrë që të arrihet përmirësimi i standardeve të shërbimeve të ofruara.
4. Të miratohet një strukturë e re e Qendrës së Pritjes për Azil me staf multidisiplinar në mënyrë që të mbulohen të gjitha shërbimet dhe të rritet standarti i ofrimit të tyre.
5. Të bëhet i mundur organizimi i takimeve me partnerët mbi diskutime lidhur me tematikat e azilkërkuesve si dhe forcimin e bashkëpunimin midis tyre.
6. Të mundësohet realizimi i trajnimeve dhe kualifikimeve të stafit që kanë marrëdhënie të drejtpërdrejtë me azilkërkuesit/refugjatët, e cila çon në rritjen e standardeve lidhur me cilësinë e ofrimit të shërbimeve brenda Qendrës.

FALEMINDERIT!

